



**ЎЗБЕКИСТОН РЕСПУБЛИКАСИ
ЎРМОН ХЎЖАЛИГИ ДАВЛАТ ҚЎМИТАСИННИГ
БҮЙРУФИ**

2020 йил «7» апрель

57-сонли

Тошкент ш.


**Фориш давлат ўрмон-ов хўжалиги низомини
тасдиқлаш тўғрисида**

Ўзбекистон Республикаси Президентининг 2019 йил 23 августдаги ПҚ-4424-сон “Республикада ўрмонлардан фойдаланиш самарадорлигини оширишга доир қўшимча чора-тадбирлар тўғрисида” қарори ҳамда Ўзбекистон Республикаси Вазирлар Маҳкамасининг 2017 йил 19 июлдаги 530-сон қарори билан тасдиқланган “Ўзбекистон Республикаси Ўрмон хўжалиги давлат қўмитаси тўғрисидаги низом”га мувофиқ,

БУЮРАМАН:

- Миллий табиат боғлари ва овчилик хўжаликлари бошқармасининг Фориш давлат ўрмон-ов хўжалиги низоми иловага мувофиқ тасдиқлансин.
- Миллий табиат боғлари ва овчилик хўжаликлари бошқармаси (О.Тошев) ва Фориш давлат ўрмон-ов хўжалиги директори (М.Қурбонов), хўжалик низомини белгиланган тартибда давлат рўйхатидан ўтказилишини таъминласин.
- Мазкур буйруқнинг ижросини назорат қилиш раис ўринbosари Ш.Усманов зиммасига юклансин.

Раис



Н. Бакиров

“ТАСДИҚЛАЙМАН”
Ўзбекистон Республикаси
Ўрмон хўжалиги давлат
қўмитаси раиси

Н.Ж.Бакиров

“ ” 2020 йил

Ўзбекистон Республикаси Ўрмон хўжалиги давлат қўмитаси
Миллий табиат боғлари ва овчилик хўжаликлари бошқармаси
“FORISH DAVLAT O’RMON-OV XO’JALIGI”

NIZOMI

2020 YIL

Ўзбекистон Республикаси Ўрмон
хўжалиги давлат қўмитасининг
2020 йил “7 апрел даги
57 сонли буйруғига
илова

Миллий табиат боғлари ва овчилик хўжаликлари бошқармасининг Фориш давлат ўрмон-ов хўжалиги НИЗОМИ

1-боб. Умумий қоидалар

1. Ушбу низом Ўзбекистон Республикаси Президентининг “Республикада ўрмонлардан фойдаланиш самарадорлигини оширишга доир кўшимча чоратадбирлар тўғрисида” 2019 йил 23 августдаги ПҚ-4424-сон қарори асосида ташкил этилган Миллий табиат боғлари ва овчилик хўжаликлари бошқармасининг (кейинги ўринларда – Бошқарма деб юритилади) Фориш давлат ўрмон-ов хўжалиги (кейинги ўринларда–Ов хўжалиги деб юритилади)нинг мақоми, асосий вазифалари ва функциялари, ҳукуқлари ва жавобгарлиги, шунингдек фаолиятини ташкил этиш тартибини белгилайди.

2. Ов хўжалиги Бошқармага бўйсунади ва ҳисобот беради.
3. Ўзининг худудида ўсимлик ва ҳайвонот дунёсидан оқилона фойдаланиш ва уларни муҳофаза килишни амалга оширади.

4. Ов хўжалик ўз фаолиятида Ўзбекистон Республикаси Конституцияси ва қонунларига, Ўзбекистон Республикаси Олий Мажлиси палаталарининг қарорларига, Ўзбекистон Республикаси Президентининг фармонлари, қарорлари ва фармойишларига, Ўзбекистон Республикаси Вазирлар Маҳкамасининг қарорлари ва фармойишларига, Ўзбекистон Республикаси Ўрмон хўжалиги давлат қўмитасининг буйруқларига, Ҳайъат қарорларига, Бошқарманинг буйруқларига, мазкур Низомга ҳамда бошқа қонун ҳужжатларига амал киласди.

5. Ов хўжалиги давлат ўрмон фонди ерларида табиат муҳофазаси, ўрмон-ов хўжалиги, экологик туризм соҳасида фаолият юритувчи Бошқарма таркибида киравчии мустақил хўжалик ҳисобланади.

6. Ов хўжалиги юридик шахс ҳисобланади, Ўзбекистон Республикасининг Давлат герби тасвири ва ўз номи туширилган муҳри ва бланкасига, мустақил балансига, банкда ва Ўзбекистон Республикаси Молия вазирлигининг Газначилигида ҳисоб рақамларига эга бўлади.

7. Ов хўжалигининг тўлиқ номи:
давлат (ўзбек) тилидаги -“Forish davlat o’rmon-ov xo’jaligi”;
рус тилида “Фаришское государственное лесоохотничье хозяйство”,
инглиз тилида “Forish state forest hunting”.
8. Ов хўжалиги тўғрисидаги низом, ҳаражатлар сметаси, штатлар жадвали
таркибий тузилиши, моддий-техника таъминоти режалари, бухгалтерия



хисоботлари ва баланслари Ўрмон хўжалиги давлат кўмитаси (кейинги ўринларда – Кўмита деб юритилади) томонидан тасдиқланади.

9. Ов хўжалигининг юридик манзили (почта манзили) Жиззах вилояти, Фориш тумани, Боғдон шаҳарчаси, Боғдон кўчаси 107 уй.

10. Ов хўжалиги ўз ерларига эгалик қилиш ҳуқуқини берувчи белгиланган нусхадаги Давлат гувоҳномасига эга бўлади.

2-боб. Ов хўжалигининг асосий вазифалари ва функциялари

11. Қуидагилар хўжаликнинг асосий вазифаси ҳисобланади:
 - ов хўжалиги фаолиятини ташкил этиш ва мувофиқлаштириш;
 - биологик хилма-хилликни муҳофаза қилиш ҳамда улардан оқилона фойдаланишга қаратилган давлат, ҳалқаро ва минтақавий дастурларнинг ишлаб чиқаришда таклифлар киритиш;
 - соҳага оид қонун ҳужжатларини такомиллаштириш, фан ютуклари ҳамда илгор тажрибаларни жорий этиш юзасидан Бошқармага таклифлар киритиш;
 - бириқтирилган ҳудудда ов масканларини ташкил этиш, ов қилиш муддатлари, ёввойи ҳайвонларни тутиш, рекреация ва эстетик мақсадларда фойдаланиш тартиби ҳамда овчилик хўжалиги ерларида экологик туризмни ривожлантириш юзасидан Бошқармага таклифлар киритиш;
 - ўсимлик ва ҳайвонот дунёсини асрар, ов заҳираларини муҳофаза этиш, тиклаш ва улардан самарали фойдаланиш;
 - ҳайвонот дунёси объектлари мониторинги ва ҳисобини юритиш ҳамда ҳайвонот дунёси кадастрини юритиш;
 - ов хўжалигида белгиланган тартибда ажратилган квоталар асосида ёввойи ҳайвонлар овини ташкил этиш;
 - ов хўжалиги учун мутахассисларни қайта тайёрлаш ва уларнинг малакасини ошириш;
 - янги ўрмонзорлар яратиш ва қайта тиклаш, эрозияга қарши дараҳтзорларни барпо этиш;
 - ўрмонларни ёнғиндан, ўзбошимчалик билан дараҳт кесиш, рухсатсиз мол боқиши ва бошқа ўрмон қоидаларини бузишдан ҳимоя қилишни таъминлаш;
 - шифобахш ва озукабоп ўсимликлар ҳамда қишлоқ хўжалиги маҳсулотларини етиштириш;
 - ов хўжалигида ўрмон, ўсимлик ва ҳайвонот дунёсини муҳофаза қилиш ва улардан фойдаланиш тўғрисидаги қонун ҳужжатларига риоя этилиш юзасидан назоратни амалга ошириш.

12. Ов хўжалик ўзининг асосий вазифаларини бажаришда қуидаги функцияларни амалга оширади:

- ов хўжалиги ҳудудидаги ўсимлик ва ҳайвонот дунёсини саклаш;
- ўрмон касалликлари ва зааркунандаларидан ҳимоя қилиш, ўрмон ёнғинида қарши ва бошқа турдаги тадбирларни амалга ошириш;



республика ва халқаро «Қизил китоб»га киритилган, йўқолиб кетиш хавфи арафасида бўлган ёввойи ҳайвонлар ва қушларни табиий ҳамда ярим тутқун шароитларда кўпайтириш, биотехник тадбирларни амалга ошириш;

ов хўжалиги ҳудудидаги ёввойи ҳайвонлар ва қушларни сақлаш мақсадида қишлоқ хўжалик экинларини етиштириш;

ривожланган давлатлар тажрибасини қўллаган ҳолда ов хўжалиги фаолиятини ривожлантириш, ов захираларидан унумли ва самарали фойдаланиш юзасидан чора-тадбирлар ишлаб чиқиш ва Бошқармага таклифлар киритиш;

бириклилган ҳудудда экологик туризмни ташкил этиш, саноат ва спорт-ҳаваскорлик мақсадида балиқ етиштириш ва овлаш тадбирларини амалга ошириш, уларни овлаш учун руҳсатномалар (лицензия, йўлланма, ҳайвонларни тутиш варақаси) бериш;

ов хўжалиги ерларида овланадиган ҳайвонларни кўпайтириш ва уларни овлаш;

бута ва дарахт кўчатлари, қишлоқ хўжалиги маҳсулотлари, асал ва халқ истеъмол моллари савдо дўконларини ташкил этиш;

чет эл инвестицияларидан келиб чиккан ҳолда биологик хилма-хилликни сақлаш билан боғлиқ глобал ва регионал конвенциялар, битимлар ва дастурларни ишлаб чиқиша иштирок этиш ва катнашиш юзасидан Бошқармага таклифлар киритиш;

чет эл жисмоний ва юридик шахслари учун ов қилишни ташкил этиш, мазкур соҳага оид чора-тадбирлар ишлаб чиқиш, чет эл инвестицияларини соҳага жалб қилиш;

маҳаллий, чет эл жисмоний ва юридик шахсларига белгиланган тартибда ёввойи ҳайвонларни овлаш учун руҳсатнома (лицензия, йўлланма, ҳайвонларни тутиш варақаси) бериш;

юридик ва жисмоний шахслар билан белгиланган тартибда шартномавий муносабатларни амалга ошириш;

ўрмон фонди ҳудудидан оқиб ўтувчи сувларини асрар, ихоталаш, санитария-гигиена, согломлаштириш каби фойдали функцияларни кучайтириш тадбирларини ишлаб чиқиш ва амалга ошириш;

доривор ва озукабоп ўсимликлар хом-ашёсини етиштириш ва тайёрлаш;

ўрмон ресурсларини ўрганиш, улардан самарали фойдаланишни ташкил этиш, ўрмон лойиха ишлари асосида ўрмон яратишни амалга ошириш ва уни такомиллаштириш юзасидан Бошқармага таклифлар киритиш;

бириклилган ҳудудларда асосий ов ҳайвонларини, балиқ захираларини мавсумий баҳорги ва кузги давлат ҳисобини олиб бориш ва ҳар йилги мавсумий овлаш миқдорини аниқлаб бориш;

ҳудудларда ёрдамчи қишлоқ хўжалиги, боғдорчилик маҳсулотларини тайёрлаш ва ишлаб чиқариш чора-тадбирларини амалга ошириш;



ўрмонларни ўрмон тоифаларига киритиш, шунингдек ўрмонларни бир тоифадан бошқасига ўтказиш ҳақидаги таклифларни Бошқарма билан келишган ҳолда Қўмитага киритиш;

амалдаги қонунларга биноан шартнома асосида хўжаликдаги мавжуд яйловларда мавсумий мол боқишини амалга ошириш;

бошқа корхона ва ташкилотлар ерларида шартнома асосида кўкаламзорлаштириш ишларини олиб бориш;

амалдаги қонунларга биноан шартнома асосида техника воситаларидан фойдаланган ҳолда жисмоний ва юридик шахсларга пуллик хизмат кўрсатиш;

ахоли ўртасида ҳайвонот ва ўсимлик дунёсини муҳофаза қилиш ва ундан оқилона фойдаланиш борасида тарғибот ва ташвиқот ишларини олиб бориш, радио, телевидение ва оммавий ахборот воситалари орқали чиқишлиар ташкил этиш;

хўжалик худудидаги ўсимлик ва ҳайвонот дунёси муҳофазаси ўрмон қўриқчилари ва егерлари (қўриқлов ходимлари) томонидан амалга ошириш;

ёғоч тайёрлаш, ёғочдан, ёғоч чиқиндиларидан ҳалқ истеъмол молларини ишлаб чиқариш;

жисмоний ва юридик шахсларнинг мурожаатларини кўриб чиқилишини таъминлаш.

3-боб. Ов хўжалигининг хуқуқлари ва жавобгарлиги

13. Ов хўжалиги ўзига юклangan асосий вазифалар ва функцияларни амалга ошириш учун қўйидаги хуқуқларга эга:

хўжаликга қарашли худудда ҳайвонот ва ўсимлик дунёсини муҳофаза қилиш ва ундан фойдаланиш соҳасида идоравий назоратни амалга оширади;

ов қилиш ва (ёки) балиқ овлаш масканларини ташкил этиш лойихаларини ишлаб чиқиш ва Бошқармага таклифлар киритиш;

қонун ҳужжатларида белгилangan тартибда миллий гвардия билан келишган ҳолда хизмат ўқ отар қуроллари ва ўқ дориларни сотиб олиш ва улардан хизмат мақсадида фойдаланиш;

ов хўжалиги худудида жойлашган бошқа корхона ва ташкилотлар томонидан ов хўжалигини тўғри юритилиши, ўрмон ресурсларидан фойдаланиши, ўрмон касалликларидан ҳимоя қилиниши юзасидан фаолиятини ўрганиш, шунингдек, уларга ўрмон, ўрмон-ов хўжалигини юритишида услубий ёрдам кўрсатиш ва ваколати доирасида кўрсатмалар бериш;

Бошқарма билан келишган ҳолда спорт, ҳаваскорлик ва саноат мақсадлар учун овлаш, балиқ овлаш ва умуртқасиз сув ҳайвонларини тутиш ишларини амалга ошириш, давлат овчилик хўжалигига кириш учун рухсатнома (лицензия, йўлданма, ҳайвонларни тутиш варагаси) бериш;

фойдали ёввойи ҳайвонлар яшаш шароитини яхшилаш, кайта  уларнинг бош сонини кўпайтириш мақсадида ов хўжалиги худудидаги умумий ёр

майдонининг 10 фоизини ёввойи ҳайвонларни саклаш учун озука экинлари этиширишга ажратиш ва ажратилган ерлардан олинган озука захираларни биотехник тадбирларни амалга оширишга сарфлаш;

ов хўжалиги учун хавфли йиртқич ёввойи ҳайвонларни бартараф қилиш тадбирларини ташкил этиш ва ўтказиш;

ёввойи ҳайвонларни ярим тутқунлик шароитларида кўпайтириш, босқичмабосқич табиатга қўйиб юбориш;

иш юритишда конун хужжатларига риоя этилишини талаб қилиш;

конун бузилиш ҳолатлари аниқланганда Бошқармага ва ҳуқуқни муҳофаза килувчи органларга хабар бериш;

хўжалик ҳудудида ўрмон, ўсимлик ва ҳайвонот дунёсига етказилган заарни жисмоний ва юридик шахслардан белгиланган тартибда ундириш чораларини кўриш;

мустакил баланс ва алоҳида мол-мулкга эга бўлиш, судларда даъвогар ва жавобгар бўлиш;

ов хўжалиги қонун хужжатларига мувофиқ бошқа ҳуқуқлардан ҳам фойдаланиши мумкин.

14. Ов хўжалик ўзига юклangan асосий вазифалар ва функцияларни самарали бажарилиши учун жавобгар хисобланади.

4-боб. Ов хўжалиги фаолиятини ташкил этиш

15. Ов хўжалигига туман ҳокимлиги билан келишилган ҳолда Бошқарма тақдимиға биноан Ўрмон хўжалиги давлат қўмитаси раиси томонидан лавозимга тайинланадиган ва лавозимдан озод этиладиган директор раҳбарлик қиласи.

Бош ҳисобчиси Бошқарма тақдимиға биноан қўмита раиси томонидан лавозимга тайинланади ва лавозимдан озод этиласи.

Бош ўрмонбеки лавозимга директорнинг тавсиясига асосан Бошқарма бошлиғи томонидан лавозимга тайинланади ва лавозимдан озод этиласи.

16. Директор:

хўжаликга юклатилган барча вазифалар ва функцияларнинг бажарилиши учун шахсан жавоб беради;

хўжалик аппарати фаолиятига умумий раҳбарлик қиласи ҳамда ушбу низомга ва амалдаги қонунлар ҳамда бошқа меъёрий хужжатлар талаблари асосида фаолият кўрсатишини таъминлайди;

хўжаликни яккабошлиқ тамойиллари асосида бошкаради ва хўжалик номидан иш кўради, хўжалик аппарати таркибий бўлинмалари ўртасида вазифаларни тақсимлайди ҳамда уларнинг жавобгарлик даражасини белгилайди;

хўжалик номидан ўз ваколатлари доирасида шартнома ва битимлар ўзаси, ишончномалар беради, барча ходимлар учун мажбурий бўлган буйруклар чиқаради.



5-боб. Ов хўжалигини молиялаштириш

17. Ов хўжалиги қуидагилар ҳисобидан молиялаштирилади:
давлат бюджети маблаглари;
хўжалик ҳисобидан топилган даромад маблаглари;
ҳомийлик маблағлари;
маҳаллий, чет эл жисмоний ва юридик шахсларининг хайрия ёрдамлари;
маҳаллий ва хорижий грант маблағлари;
қонун ҳужжатларида тақиқланмаган бошқа манбалардан тушган маблағлар.

6-боб. Якуний қоида

18. Ов хўжалигини ташкил этиш, қайта ташкил этиш ёки тугатиш қонун ҳужжатларида белгиланган тартибда амалга оширилади.



